

25 Mei 2023

Tahua Pūtea 2023 – He pānui mai i Te Whare Wānanga o Awanuiārangi e pā ana ki te pūtea a te wānanga mō ngā wāhanga whakarātonga Mātauranga Māori

Maioha nui ana Te Pou Whakahaere Matua o Te Whare Wānanga o Awanuiārangi, a Ahorangi Wiremu Doherty, ki te pūrongo i whakapaohotia i tēnei wiki mō te Tahua Pūtea a Te Kāwanatanga, kei te whakapikihia 15 paihēneti mō te Kaupae 3 ana piki atu mō te wāhanga whakarātonga Mātauranga Māori (tae atu ki te reo Māori), mō ngā tau e whā.

“Whakatenatena ana ki te kite atu i tēnei pānui pūtea kua aro mai nei ki te hiranga o te Mātauranga Māori puta noa i te rāngai mātauranga,” e kī ana a Ahorangi Doherty.

“Heoi anō, me whaiwhakaaro anō tātou, he nui noa atu te Mātauranga Māori i tēnei – te whakaora i te Mātauranga Māori me te tautokotia mai e Aotearoa, he waehanga nui i roto i te hangatanga i te ōritetanga o te tikanga Māori o mua ki te taha o ngā tuāpapa mātauranga o ētahi atu.

“He wāhanga nui tō te Mātauranga Māori i roto i te āwhina ki te hanga whakataunga mō te roanga o te wā, mō te maha o ngā whakawhiutanga kei mua i a Aotearoa – arā te hauora, te rawa me te kore, te taiao, me ētahi atu.

“He kōhure, waiwai anō hoki te noho a Te Whare Wānanga o Awanuiārangi ki ngā mātauranga matua, arā ka whakawhārikihia ko ngā mātāpono āhuatanga Māori hei tuāpapa akoranga mā ngā tauira. A, ko mātou noa iho hoki te wānanga e whakaako ana i ngā hōtaka mai i te tuāpapa o ngā mahi akoako tae noa atu ki ngā Tohu Kairangi – ana, ka mau te titiro ki tā te tirohanga Mātauranga Māori,” e kī ana a Ahorangi Doherty.

E kī anō ana a Ahorangi Doherty ngā uauatanga kua kitea e te rāngai mātauranga i roto i ngā tau tata, whai muri i ngā wero i tau mai me te mate urutā, ana me te paheke o ngā kaute EFTS.

“Ka pōwhiritia e mātou ngā tāpiringa pūtea kua manawa rahihia e te Kāwanatanga ki te āwhina i ngā whare wānanga pēnei i tō mātou Wānanga ki te āta taunaki atu i ngā whakawhānuitanga pūtea whakahaere hōtaka me te whakaihiihi hoki i te kaute a ngā tauira ukiuki, i te wā e whakamana tonu ana mātou i tō mātou kounga ki te whakaako me te ako.

“Āe kā tika hoki, ko te āheitanga ki ngā mahi mātauranga matua tētahi raru tino nui ka kitea i roto i tō tātou hapori – e rikarika ana mātou ki te kite atu i ngā panonitanga a te Kāwanatanga mō te tāpiringa pūtea ki te āwhina i tēnei take nui me te uaua hoki. Engari neke atu i tēnei, e hīkaka ana mātou ki te mahi tahi me te Kāwanatanga ki te whakatū whakaputanga tūturu – mai i te tirohanga Mātauranga Māori – ki ētahi o ngā wero kei mua i tō tātou hapori.”

[ENDS]

For more information, or to arrange an interview:

Lauren Paddy: 027 722 7975 | lauren@campbellsquared.com